



Ta'iala mo Tagata o lo'o Fa'aaogaina Auaunaga – sui o mataupu tau femalagaa'iga ua lesitalaina

E fa'asa i le tulafono le tu'uina atu o fesoasoani tau femalagaa'iga i Ausetalia e so'o se tagata pe afai e le o lesitala o ia o se sui faufautua tau femalagaa'iga, o se loia i Ausetalia, po o se tagata tu'usaunoaina. So'o se tagata e tu'uina atu fesoasoani tau femalagaa'iga e lē tusa ma le tulafono i Ausetalia e tatau ona lipotia e ala i le [Border Watch Online Report](#) i luga o le upega tafa'ilagi a le Department of Home Affairs (le Matagaluega). E taua le malamalama i so'o se tagata e fesoasoani i lau mataupu tau femalagaa'iga e le mafai ona fa'amautinoaina atu se visa mo oe.

Sui o Mataupu Tau Femalagaa'iga ua Lesitalaina

E tatau i sui o mataupu tau femalagaa'iga ua lesitalaina ona ausia tulaga fa'apolofesa, mulimulita'i i le Tulafono o Amioga, ma fa'afou pea lo latou malamalama i tulafono ma faiga fa'atino tau femalagaa'iga.

O sui uma o mataupu tau femalagaa'iga ua lesitalaina e iai le Numera Fa'amauiina Fa'apitoa mo Sui Faufautua Tau Femalagaa'iga (MARN). E mafai ona e siaki pe ua lesitala se tagata i le upega tafa'ilagi a le OMARA:

www.mara.gov.au

O le **Office of the Migration Agents Registration Authority (OMARA)** o se vaega o le Matagaluega ma o le tino fa'atonutonu mo sui o mataupu tau femalagaa'iga ua lesitalaina i Ausetalia. O le OMARA:

- na te iloiloina ma faia le fa'ai'uga i talosaga mo le lesitalaina o se sui faufautua tau femalagaa'iga i Ausetalia
- e mata'ituina amioga a sui faufautua tau femalagaa'iga ua lesitalaina, su'esu'e ni faitioga, ma faia gaioiga fa'asala pe a talafeagai.

E lē mafai e le OMARA ona fesoasoani i lau talosaga mo se visa po o se talosaga lagolago, pe fa'atonu se sui faufautua tau femalagaa'iga ua lesitalaina e toe totogi atu ni tupe ia te oe.

Tulafono o Amioga

O le Tulafono o Amioga mo sui faufautua tau femalagaa'iga ua lesitalaina e mana'omia ai i latou nei ona:

- fa'amaoni e uiga i lou avanoa e maua ai se visa
- tu'uina atu fautuaga sa'o ma fa'ailoa atu pea alualu i luma lau talosaga ma ni suiga e ono a'afia ai
- galue i totonu o le tulafono, tausia ou aia tatau, ma puipuia lou fa'alilolilo
- ta'u atu pe a iai se mea e ono fete'ena'i ma ou aia tatau, ma faia se gaioiga talafeagai

- tu'uina atu se fa'amatalaga tusitusia a'o le'i amata le galuega, e aofia ai auaunaga o le a tu'uina atu, pili fuafuaina, ma isi tau
- taofia tupe na totogi muamua i se teugatupe fa'apitoa i le faletupe
- tu'uina atu se pili tusitusia o lo'o fa'ailoa ai auaunaga na mae'a ona faia ma le aofa'i e tatau ona totogi
- tausia fa'amaumauga tatau e uiga i le fa'agasologa o lau talosaga.

O le [Tulafono o Amioga](#) o lo'o avanoa i luga o le upega tafa'ilagi a le OMARA.

Popolega e uiga i sui tau femalagaa'iga ua lesitalaina

Afai e iai sau fa'afitauli i lau sui i mataupu tau femalagaa'iga ua lesitalaina, taumafai e fo'ia muamua fa'atasi ma ia. Afai e le mafai ona fo'ia le mataupu ma lau sui, e mafai ona e fa'afeso'ota'i le OMARA pe afai e mana'omia se fesoasoani. E mafai ona e tu'uina atu se faitioga e uiga i lau sui o mataupu tau femalagaa'iga ua lesitalaina i le fa'atumuina o le [complaint form](#) i luga o le upega tafa'ilagi o le OMARA.

O le faia o se faitioga e lē a'afia ai le talosagaina o lau visa o lo'o iai nei, pe suia ai fo'i le i'uga o se te'ena po'o se fa'aleaogaina o se visa sa iai muamua.

Tagata Loia o Ausetalia ma Tagata Tu'usaunoaina

O nisi o tagata, e pei o tagata loia o Ausetalia ma tagata tu'usaunoaina, e lē mana'omia ona lesitalaina o ni sui tau femalagaa'ina ina ia mafai ai ona latou fesoasoani i mataupu tau femalagaa'iga i totonu o Ausetalia.

E tatau i tagata loia o Ausetalia ona galulue e tusa ai ma tulafono fa'apitoa tau amio lelei a le pulega fa'aletulafono o lo'o latou i lalo ifo. Afai e te mana'o e tu'uina atu se faitioga e uiga i se loia, faitau le 'Ta'iala mo Tagata Fa'atau – tagata loia', o lo'o maua i luga o le [upega tafa'ilagi a le Matagaluega](#).

O tagata tu'usaunoina e aofia ai aiga vavalalata ma i latou e lagolagoina le talosaga. O le lisi atoa o tagata tu'usaunoina e maua i le [Form 956 – Appointment of a registered migration agent, loia fa'atulafono po'o se tagata tu'usaunoina](#). E lē mafai e tagata tu'usaunoina ona tu'uina atu se tau o pili mo le fesoasoani i mataupu tau femalagaa'iga.

Fa'auma o se avanoa/mataupu

Afai e te mana'o e fa'auma se avanoa/mataupu, fa'atumu le [Pepa 956](#).

Translating and Interpreting Service

Talanoa i se fa'aliliu'upu e auala i le Translating and Interpreting Service (TIS National)
www.tisnational.gov.au ☎ 131 450